

1227

ESTABLISSEMENT
VNIVERSEL
DE LA PAIX GENERALE,
O V
SENTENCES MORALES
ET POLITIQUES

Sur les plus importantes matieres de l'Estat.

Contre les usurpateurs du bien public.

Où le droit des gens, & la cause commune
sont equitablement defendus.

En faueur des Souuerains & des Peuples.

Touchant la veritable creation & la legitime autorité
des Roys, & la mutuelle obligation des Princes
enuers leurs Sujets, & des Sujets enuers
les Princes.

*Piece rare & instructiue & pour le Tiers Estat,
& pour la Noblesse.*



A PARIS,

Chez PIERRE VARIQVET, rue S. Iean de Latran
deuant le College Royal.

M. DC. XLIX.
AVEC PERMISSION.

ESTABLISHMENT

Case

1888/89

39

326

1649257

1649251

THE NEWBERRY
LIBRARY

2011-12-12 14:12:12

Quesada, Juan de los Rios

En l'absence de l'écrit, on peut se fier à la parole.

1875

1872

1892

六

21 ЯНЬ

Les Papiers de Vauvenargues, t. 2. Jean de Lamoignon


M. D. C. XLIX

LE MUSEE ROYAL
D'HISTOIRE NATURELLE
DE PARIS

M. D. C. XLIII.

MOI 221 MAY 9 1944

54.2037



ESTABLISSEMENT VNIVERSEL
de la Paix generale, ou Sentences Morales
& Politiques sur les plus importantes
matieres de l'Estat.

LA felicité publique est vne Déesse d'une nature si douce, si aymable, & si bien faisante d'elle-mesme, que si les Princes, & les Peuples, n'estoient pas ingrats aux extraordinaires faueurs qu'ils reçoient continuellement en temps de Paix, de cette incomparable Diuinité tant desirée; ils ne manqueroient pas de la reuerer comme vn estre glorieux, ou comme vn bien inestimable. Lucullus, tres-illustre Capitaine Romain, & l'un des plus considerables Partisans de Sylla, apres qu'il eut deffait quelque cent mille combattans en vne bataille qu'il auoit donnée contre Mitridates Roy de Pont, s'en reuint à Rome, où il fit bastir vn Temple si riche, si somptueux, & si superbe à cette Diuinité si charmante, que tout l'Vniuers ensemble n'a iamais veu rien de pareil, ny iamais veu rien de si magnifique. Iulius Cesar premier Empereur des Romains, & Lepidus. Capitaine souuerain, & l'un de ceux qui partagerent l'Empire avec Antoine & avec Auguste, luy en firent eriger encore vn autre, où l'extreme profusion d'un nombre infiny de richesses, ne paroissoit pas moins qu'en celuy que nous venons de dire. Enfin si la nature scauoit raisonner en faueur de cét vnique espoir des belles ames, elle diroit, que c'est le Dieu des Esprits bien heureux, & le seul obiet à qui les hommes deuroient sacrifier ce qu'ils ont de plus cher, s'ils estoient capables d'une excellente idolatrie. Et sans me trop éloigner de la verité, ie ne feindray pas de dire avec vn des plus excellens Philosophes du Siecle,

que toutes les choses qu'elle expose aux sens des creatures iudicieuses & raisonnables, sont autant d'images & de parcelles de ce souuerain bien qu'on espere de recevoir quelque iour, dans la Beatitude eternelle. Mais comme il estoit tres-difficile de l'acquiescer icy bas parmy nous, veu l'estrange corruption où toute la nature humaine se trouuoit, depuis la cheute de nostre premier pere ; Les hommes au commencement des Siecles, induits par vne inspiration toute Diuine, créerent vn chef d'entre leurs freres, pour se garantir de la cruauté, de la vengeance, & de l'vsurpation des Tyrans, qui ne cherchoient qu'à les destruire. C'est pourquoy nous pouuons aisément conclure, que les Roys n'ont l'obligation d'estre ce qu'ils sont, qu'à ceux qui les ont faits ce qu'ils se disent estre. Les habitans d'Enoch, firent election d'un chef, à qui ils donnerent l'entiere administration de leur petit Empire. Peu de temps apres le deluge, que Dieu auoit enuoyé sur la terre, pour la purifier des abominables pechez des hommes, Belus premier auteur de l'idolâtrie & du Sacerdoce des Chaldéens, fut aussi reconnu par ses Suiets pour Prince du Peuple. Melchisedech Sacrificateur de Dieu, sans pere, sans mere & sans genealogie, n'ayant ny commencement de iours, ny fin de vie, demeurant Prestre à l'Eternité, fut fait Roy de Salem, ville Metropolitaine de la Iudée, par les habitans de cette sainte demeure. Abraham fils de Tharé & Pere des Croyans, fut couronné de ceux qui ne cherchoient qu'à luy rendre toute sorte d'obeissance. Je veux bien que Dieu en ait du depuis authorisé l'election que le Peuple en auoit faite en la personne de Saül, lors que sa Diuine Maiesté presta l'oreille aux supplications des Israélites, quoy qu'il les eust desia seuerement repris de luy demander vn homme mortel pour les conduire: & que cet incomparable Auteur de tout l'Estre créé fasse vn commandement vniuersel à toute la nature humaine de se garder de leur indignation, de les honorer comme personnes sacrées, de prier souuent pour eux, & de les reuerer, & de les craindre, lors qu'ils sont sages; Ce que ce Diuin Sauueur

Deut. 17. 5.

Genes. 4.

Berosé l. 4.
Euseb. l. 1.
de sa prepa-
ration Euā-
gelique.

Genes. 14.
Heb. 7.
Psal. 76.
Her. 55.

Genes. 14.
Ioseph. l. 1.
des anti. Ju-
dai. cha. 7.
& 8.
1. Sam. 8. &
10.
1. Roys 9.

Prov. 16.
1. Pier. 2.
1. Timoth. 2.
1. Roys 3.
Psal. 2

Sauueur n'auroit pas voulu faire, si la puissance Royale luy
 auoit esté odieuse : si est-ce pourtant que sa Souueraine
 Bonté n'entend pas en façon quelconque, qu'ils prennent
 la liberté, d'oppresser leurs Suiets sur peine d'en estre pu-
 nis, ou par leurs propres seruiteurs, ou par des forces
 estrangeres. Ne sçauent-ils pas bien que ce Souuerain
 Eternel est le Protecteur des innocens & le fleau des cou-
 pables; qu'il confond les auteurs & les complices des
 mauuais desseins, & qu'il punit seuerement tous ceux qui
 s'amusent à persecuter son Peuple. La puissance ne leur
 est donnée de Dieu que pour edifier, & non pas pour de-
 struire : & le glaue qu'ils portent, ne leur a esté mis entre
 les mains que pour autoriser la iustice qu'ils sont obligez
 de rendre à toute sorte de personnes, ainsi qu'il leur est
 ordonné, par vne Sageffe infinie, pour le bien du public,
 & pour le salut de la Patrie.

Les Roys, principalement les Roys Chrestiens, ne
 doiuent pas auoir seulement la Nature pour guide, mais
 l'Auteur de la Nature mesme, qui commande vniuersel-
 lement à tout le Monde, & qui rend à chacun ce qui luy
 appartient, & pour son honneur & pour sa gloire. Et com-
 me Dieu a voulu imprimer cette dignité Royale en vne in-
 finité de ses creatures, afin que l'homme y peust lire com-
 me dans vn liure escrit de sa propre main, tout ce qui
 peut rendre vn Prince venerable parmy ses Peuples, il a
 voulu pareillement aussi grauer son image & semblance sur
 tous les habitans de la terre; afin que les Souuerains y vis-
 sent comme dans vn diuin obiet, qu'il a daigné racheter
 de son propre sang, tout ce qui peut rendre vn pauvre Su-
 iet considerable parmy les Monarques du Monde. La pre-
 miere & la principale cause de leur creation, fut vne cer-
 tainne prudence & vne admirable conduite dont ils se ser-
 uoient en l'ordonnance & en la dispensation de leurs pro-
 pres interets, & de leurs propres negoces. Cette seule
 vertu commença de reluire, & de les éleuer au dessus de
 leurs concitoyens & de leurs compatriotes; Si bien que les
 Peuples ravis de leur merueilleuse façon d'agir, les iuge-

Amos 4. &
 6.

Ezech. 22.

Mich. 3.

Prou. 29.

Eccl. 10.

1. Sam. 12.

1. Roys 14.

Psal. 17. 26.

30. 32. 70.

113. 143.

2. Cor. 13.

Rom. 63.

Roys 10.

rent dignes de les gouverner, & de prendre vne generale & absoluë administration de tous les affaires de leur Republique. C'est ce qui a fait dire à Iustin, que les Roys n'auoient esté esleus à cette dignité si eminente, qu'à cause de leur glorieuse generosité, & de leur illustre integrité de conscience. La seconde raison qui suscita les Peuples à faire vn Sacrifice sollemnel, de ce qu'ils auoient de plus cher au monde, à des ames si vertueuses, fût vne liberale & loüable affection qu'ils auoient de reconnoistre le bien qu'on venoit de leur faire. Si tost qu'un de leurs citoyens les auoit deliurez de la seruitude, ou de la puissance de quelque tyrannie, ou qu'il auoit amplifié les limites de leur pays, & rendu quelques Prouinces estrangeres suiettes & tributaires à leur Republique; ou bien que par l'institution de quelques bonnes Loix, il auoit mis leur vie dans vne tranquillité parfaite: alors les Peuples par vn suffrage commun, l'esleuoient à cette dignité Royale, pour n'estre pas ingrats ny à leurs biens-faits, ny à leurs merites.

Iean 6.

Scipion l'Africain, fut nommé Roy des Romains apres qu'il eut vaincu Asdrubal, & fait demolir la Ville de Carthage; ce qu'il refusa pourtant avec vne merueilleuse modestie, sçachant que ce titre leur estoit odieux par dessus toutes choses. Ciceroñ, fut surnommé Roy des Romains & Pere de la Patrie, pour auoir deliuré Rome de la coniuuration de Catilina. Et Dieu mesme apres ce Diuin miracle qu'il venoit de faire en la multiplication des cinq pains d'orge & des deux poissons, ne fut-il pas appelé Roy par ce nombre infiny de legions qui le suiuiuent, en reconnaissance de ce prodigieux bien-fait qu'ils venoient de recevoir de sa sainte & sacrée personne? La troisieme & derniere raison pour laquelle les hommes furent esleuez à des dignitez si glorieuses & si sublimes, fut vne necessité commune de créer vn Chef, qui d'un courage excellent & magnanime se peust librement opposer à la fureur & à la violence des Tyrans, des Perturbateurs de l'Estat, & des Sangsues publiques, afin de maintenir les habitans dans vn repos parfait, & tout le monde ensemble dans vne tran-

quillité inuiolable. Ce qui nous oblige à croire que les Roys furent créez dès le commencement du monde, & bien tost apres que nos premiers Peres furent bannis du Paradis terrestre, veu que les violences, les cupiditez, & les oppressions commencerent d'estre dès que les hommes commencerent à se tirer de l'obeïssance qu'ils deuoient à la raison, & à leur premier principe. Ainsi l'amour que chaque particulier auoit pour son bien public, fut cause de la diuision generale qui se glissa vniuersellement sur toute la terre. Le Diuin Apostre Sainct Paul nous assure, qu'il n'est point de Puissance qui ne soit ordonnée de Dieu, & à laquelle nous ne deuions nous assuiettir en tout ce qui nous sera possible; c'est pourquoy il semble que qui resiste à leurs desseins, resiste absolument aux decrets de la volonté independante de ce Souuerain Seigneur, & par consequent à son salut, pourueu que leurs passions soient legitimes. Mais c'est vn malheur tout à fait deplorable de voir que les Princes songent plustost à vaincre leurs ennemis, que les desordres qui se glissent dans l'ame. Ils leuent des Legions formidables, pour ruiner leurs Suiets, & pour porter la terreur à toutes les nations estrangeres, & ne voudroient pas auoir employé vn seul moment à se deffendre des vices qui les maïstrisent, & par ce moyen ils tesmoignent auoir plus d'amour pour assouuir leur vanité, que de zele pour le salut des Peuples.

Rom. 13.
1. Pier. 2. 13

Les Stoïciens, plus indiciieux en cela que nous, ne vouloient pas que leur Sage se laissast aller aucunement à son ambition, ny qu'il prestast l'oreille à sa flaterie: c'est vn ennemy qui ne cherche qu'à nous destourner de l'amour que nous deuons auoir pour Dieu, pour nostre prochain, & pour nous-mesmes, afin de nous faire glisser insensiblement dans le precipice qu'une horrible eternité nous prepare. C'est vn tyran qui nous fait abandonner le party de la Vertu, pour embrasser celuy du vice. Et si nous prenons le soin d'escouter les inspirations que cet Adorable Viuiuant des Esprits, infuse continuellement dans nos ames, nous apprendrons de cette tres-saincte & sacrée personne

que les passions des hommes ne sont que des demons. reprouuez, ou des furies abominables, aux Roys & aux Peuples. La vertu, qui se trouue rarement dans le siecle où nous sommes, doit estre vne faculté inseparable des Souuerains, & vne habitude glorieuse de bien faire à tout le monde. Le desir de l'Eternité, & l'esperance de la Beatitude deuroient porter leur generosité à la conqueste de ces felicitéz permanentes, afin d'establir leurs Maiestez dans vn regne infiny contre la tyrannie des siecles. Mais bien loin de donner leur esprit à de si dignes obiets, les miseres publiques ne sont pas seulement capables de leur arracher vne larme des yeux, ny d'esleuer leur entendement à des meditations si necessaires; Neantmoins qu'ils sçachent qu'il n'est rien qui leur soit plus important, ny qui les doie toucher dauantage; Car ils ne sont pas seulement responsables de leur propres actions, mais ils le sont encore de celles de leurs Suiets, & Dieu les fait choir bien souuent du Throne où ils sont montez, pour y placer quelquefois vn funeste vsurpateur, veu qu'ils n'empeschent pas leurs Peuples d'irriter sa Diuine Maiesté en murmurant contre luy, lors qu'ils le peuuent faire. C'est pourquoy les Roys, par vne prudence qui ne doit point auoir d'autre obiet que la Prouidence Diuine, semblent d'estre obligez de s'accommoder aux necessitez du public, & d'agir en leur endroit avec plus de douceur que de force. C'est par ce moyen que leur valeur se trouuera moins necessaire que leur clemence, afin de trauailler en nostre faueur, & pour nostre profit & pour leur gloire. Les Mysteres de l'Estat ne sont pas si contraires aux Mysteres de la Religion, qu'ils ne puissent tous deux également viser au salut des Peuples. Les anciens Politiques se trouuoient bien souuent deceus au gouuernement des Estats; parce qu'ils n'imitoient en leur conduite que les actions des hommes qui les auoient precedez, en la pratique d'un exercice si deceuant & si funeste. Mais vn Prince Chrestien, vn Fils aisné de nostre Eglise Militante, ne deueroit iamais auoir d'autre exemple deuant les yeux que celuy

celuy de ce Souuerain Seigneur, qui conduit toutes choses avec vne admirable magnanimité, suivie d'une extraordinaire clemence. Il faut que la volonté de l'un s'accorde avec les necessitez de l'autre, il faut que le foible recoiue quelque grace du fort, & que le bien de l'Estat & le bien des particuliers soient estroitement vnis ensemble. Lors qu'un Souuerain voit qu'il se forme des partis pour ruiner ses Suiets, & que par des trames secretes les Ministres de l'Estat & leurs Partisans conspirent ensemble la ruine du Prince & du Peuple, c'est alors qu'il doit prendre le glaive en main pour exterminer ces criminels, & pour se faire iustice soy-mesme. C'est alors que sa seuerité doit paroistre aux yeux de tout l'uniuers, avec un visage tonnant; Et c'est alors que sa misericorde ne doit pas estre considerée que comme un ennemy de l'Estat, ou que comme une Diuinité malfaisante. C'est alors qu'ils leur doiuent apprendre que comme il n'y a point de vertu qu'ils ne sçachent reconnoistre, qu'il n'y a point aussi de crime qu'ils ne sçachent punir pour le bien d'une Monarchie. Il leur est impossible de pouoir iamais establir un regne bien florissant, qu'apres la deffaitte de ces Furies.

Depuis que ces vsurpateurs de nos Finances, se sont emparés de l'esprit de nos Princes, il ne s'est point formé de party qui ne nous ait esté funeste & aux uns & aux autres. Il faut aussi d'oresenauant qu'ils s'opposent ouuertement à la menée de ces Tyrans, s'ils n'en veulent pas répondre deuant Dieu, comme de leurs propres crimes. Et vostre Maiesté, SIR, leur doit oster tout à fait le pouoir de nous nuire en les destruisant, si vous ne voulez pas que Dieu vous face rendre conte un iour d'une clemence si nuisible. Bien que Dieu traite les Princes avec des douceurs extraordinaires, & qu'il tesmoigne les cherir par dessus le reste de ses creatures, il ne laisse pourtant pas d'agir quelquefois en Souuerain contre eux, & de les châtier de la trop grande impunité, dont ils vsent enuers des criminels de cette nature. Ainsi, SIR, imitant Dieu en la conduite de vostre Monarchie, vous deuez ruiner une

fecte si pernicieuse & si diabolique au Peuple, à l'Estat, &
 à vostre Maiesté mesme. C'est ce qui vous fera mettre au
 rang des Iustes. Vostre main leur doit estre fatale, & Dieu
 qui prend le soin de vostre salut, l'a destinée de toute eter-
 nité à la perte de ces auteurs de nostre misere. Le droit
 de punir des personnes si criminelles, ne sera pas seule-
 ment vne marque de vostre Grandeur: mais aussi vne glo-
 rieuse marque de vostre Iustice. Leur interest particulier
 ne peut estre iamais qu'une eternelle cause de nostre diuision
 generale; De sorte que si vous ne faites, **SIRE**, des mira-
 cles pour y remedier, toute la France court risque d'estre
 la proye de ces abominables Harpies. Et veritablement il
 vous est impossible de porter le surnom de Iuste à iuste ti-
 tre, sans gouverner l'Estat avec la mesme integrité que
 Dieu gouverne le monde. Il n'y a que trop long temps que
 le Peuple gemit sous l'oppression de ces Tyrans & de ces
 Sangsues publiques. C'est en la punition exemplaire de
 ces criminels, que vous deuez employer tout ce que vous
 auez de genereux & de seuer. Enfin, **SIRE**, si vous de-
 uez vser de vos passions, vous en deuez vser avec iustice.
 Le Ciel qui vous a fait part de sa lumiere, vous a fait part
 aussi de son autorité; afin de venger l'innocent en la per-
 te du coupable. Vous ne pouuez sans offenser Dieu pre-
 ster l'oreille aux clameurs de ces criminels, ny aux apas
 de leurs flateries; & vous estes obligé, **SIRE**, de vous
 conduire selon nos necessitez, & de traiter avec vos Su-
 jets comme Dieu traite avec ses creatures, meslant l'equi-
 té avec vos desirs, & la iustice avec toutes vos procedu-
 res. Ce sont les Armes dont vn Monarque tres-Chrestien
 comme vous, se doit servir pour s'elever au faiste des plus
 supremes Grandeurs d'icy bas, & pour rendre pareille-
 ment aussi cette Monarchie Françoise en son premier lu-
 stre. La Crainte de Dieu rend les Roys bien-heureux,
 & ce Souuerain Seigneur les recompensera tost ou tard,
 selon leur propre merite. Enfin leur sagesse doit faire l'e-
 tablissement de l'Estat & la felicité du Prince & du Peu-
 ple. **CIRUS** Roy des Perles ainsi qu'il conferoit avec quel-

1. Roys 10.
 9.

Prou. 25.
 1. Cor. 3. 12.

Ecclef. 10. 1.

ques Philosophes, des Vertus requises au Prince, leur dit, que celuy qui n'estoit pas meilleur que ses Suiets, estoit indigne de l'Empire. Quelques vns enuieux de l'honneur de Leon Roy des Spartins, luy reprochoient qu'il estoit de la mesme nature que les autres hommes, & qu'il ne meritoit pas d'estre preferé à qui que ce fust, que par le moyen de dignité Royale. Solon l'un des plus Sages de Grece, interroge quel deuoit estre le Gouverneur du Peuple; Tel, dit-il, qu'il se sçache gouverner, auant que d'entreprendre à regir les autres. Philippe Roy de Macedoine conseilloit son fils Alexandre, de viure en telle sorte, qu'il ne donnast pas suiet à personne de blasphemer contre sa renommée. Et le mesme Alexandre profitant de cette doctrine paternelle, se voyant importuné par vn de ses Fauoris de luy dire quel il vouloit qu'on choisist pour son successeur en l'Empire, lors que la mort l'auroit mis au nombre de ses Manes, il luy respondit fort bien, que ce seroit celuy qui en seroit digne. Salomon nous enseigne que l'homme equitable & l'homme sage, sont plus propres à la Royauté que les turbulens & les expugnateurs des villes. Agésilais Roy des Lacedemoniens, soustenoit que celuy qui sçauoit captiuer ses affections sous l'usage de la raison, estoit plus digne de loüange, que s'il eust assuietty tout l'Vniuers sous sa puissance. Il est selon son sentiment plus glorieux de se maintenir soy-mesme en sa propre liberté, que de la raur à tous les autres. Le Prophete Michée nous assure, que les mauuaises passions sont les ennemis domestiques des Princes. Sainct Pierre en sa deuxième Epistre, & Sainct Augustin au quatrième liure de la Cité de Dieu, nous apprennent vne mesme doctrine. Ciceron, quoy qu'il ne fust pas esclairé de la lumiere Euangelique, nous instruit en ses paradoxes de la Nature de l'homme, qui ne sçauoit pas commander aux autres ne sçachant pas les veritables moyens qu'il faut tenir pour se commander à soy mesme. Certes si le Prince veut que l'Estat soit dans vne tranquillité parfaite, il faut qu'il se rende luy-mesme suiet à ses loix, aussi bien qu'à celles de ses ancestres. L'exemple du Sou-

Prou. 14.

Mich. 7.

uerain entend mieux l'art de persuader à ses Suiets, que toute la Rhetorique du monde. Solon veut que les Princes obeissent les premiers aux ordonnances qu'ils ont faites, s'ils veulent que leur Republique se conserue en Paix & leurs Peuples dans vne soumission parfaite. Auguste Cesar Empereur de Rome auoit les loix en si grande veneration, qu'une fois seulement pour les auoir transgressées, il faillit à mourir de colere. Licurgus Legislateur des Lacedemoniens, n'ordonna iamais loy, à laquelle il ne se rendist le premier obeissant afin d'apprendre aux Peuples comme il falloit faire. Il se trouue encore vn nombre infiny d'exemples dans l'Histoire Saincte, aussi bien que dans les Histoires prophanes: mais cela seroit trop long à deduire dans vn ouurage de si petite estendue. Suffit de vous dire, qu'Aristote ne fait point d'autre difference entre le Roy & le Tyran, si ce n'est que le Roy obeit à la loy & le Tyran la viole. Le Tyran accable son Peuple de subsides, & le Prince n'exige de ses Suiets que les choses necessaires. Le Tyran ne conuertit toutes ses exactions qu'en ieux & qu'en magnificences inutiles, & le Prince les employe à la conseruation de ses Suiets & à la deffense de son Royaume. Le Tyran veut estre craint & redouté, & le Prince veut estre aimé d'une amitié paternelle. Le Tyran administre l'Estat par fraude & par auarice, & le Prince par prudence & par integrité de conscience. Le Tyran se gouuerne par ses flatteurs, & le Prince par le conseil des Sages. Le Tyran craint tout & doit tout craindre, & le Prince est en seurere au milieu de ses Suiets, comme vn bon pere de famille au milieu de tous ceux à qui il a donné l'estre.

Mais, Illustres Conquerans, dignes Oingts du Souuerain Eternel, magnanimes Potentats de la terre, si vous desirez auoir des qualitez qui semblent surpasser celles des Anges, vous n'auiez qu'à prendre nostre Incomparable & Auguste LOUIS Dieu donné, pour obiet, & vous former sur ses exemples. N'est-ce pas vne chose inouye, qu'un Prince à l'âge de quatre ans, de son propre mouuement, & sans autre inspiration que la sienne, ait sceu répondre avec

vn zele incroyable à tous les myſteres d'un Sacrement, où Ieſus. Chriſt ſe trouua luy meſme en perſonne? Monſieur l'Eminentiffime Eueſque de Meaux qui le baptiſoit, en fut tellement ſurpris, qu'il ne ſçauoit ſi c'eſtoit vne illuſion, ou quelque autre eſpece de ces images deceuantes. N'eſtoit-ce pas encore vne choſe merueilleuſe, d'entendre cette voix infantine & toute celeſte, raiſonner avec vne harmonie, qui n'en eut iamais de ſemblable, ſur vne matiere ſi delieate, que celle de l'ablution interieure de nos ames? Les abiurations que ce genereux Prince faiſoit, en vn âge ſi rendre que le ſien, contre vn nombre infiny de Legions infernales, qui ne cherchent qu'à nous perdre en des actions de pareille nature, donnerent vne ſi puiſſante emulation à tous ceux qui le conſideroient, qu'il n'y en eut pas vn qui ne s'en allaſt avec vne conſcience toute épurée: Il ne ſ'oublia pas encore de répondre hardiment à toutes les propoſitions qu'on luy faiſoit ſur ſa creance, ſelon les termes du Rituel Romain, & de faire voir qu'il n'eſtoit pas ignorant en l'art de ſe faire obeyr au vent, ny en l'art de remuer les Montagnes. En ſuite, pour confirmer les paroles que ce digne Monarque venoit de dire, il recita hautement deuant tous les aſſiſtans, d'une action ſi noble & ſi pieuſe que la ſienne, le Symbole des Apoſtres, & l'Oraiſon Dominicale: & puis tenāt vn cierge ardent entre les mains, il ſe mit à prier Dieu durant tout le reſte de la ceremonie. Et du depuis, que n'a-t'il pas fait pour redonner la Paix à tous ſes Suiets. L'ay ouy dire à quantité d'Officiers, qui ont l'honneur d'approcher ſa perſonne, qu'il auroit voulu eſtre à Paris, d'où il eſtoit ſorty contre ſon gré, & qu'il eſtoit extrêmement faché de voir les grandes perſecutions que l'on faiſoit à ſon peuple. Apres cela, ſe peut-il voir des bontez pareilles aux ſiennes? Et apres des graces ſi extraordinaires, que peut-on deſirer dauantage d'un Prince ſi touché de l'eſprit d'un Dieu, qui nous l'a donné pour ſa gloire? Ne ſont-ce pas là des actions à ſe mettre au nombre des biē-heureux, & à porter ſa renommée au delà des ſiecles? Ne ſont-ce pas là des effets d'une vertu ſans ſeconde, & d'une pieté ſans

exemple ? N'est-ce pas là dans vn commencement encore tout enfantin , posseder des qualitez à faire rougir des Princes plus âgez que luy , & qui se picquent d'auoir & plus de generosité & plus de sagesse. C'est s'il me semble sçauoir faire des miracles en sa faueur , & s'esleuer à des honneurs, où personne que luy ne sçauoit atteindre. Et c'est en vn mot auoir trouué les moyens d'attirer sur sa Maiesté, toutes les bonnes influences du Ciel , & toutes les benedictions de Dieu & des hommes , sur toute l'estenduë d'un Royaume si florissant, que celuy dont sa Diuine Prouidence l'a voulu honorer, en reconnoissance d'une vertu si prodigieuse que la sienne.

Dieu dont les bontez sont infinies, luy fasse la grace de perseuerer en de si dignes sentimens , afin de se mettre au nombre des Saints, aussi bien qu'au rang des illustres. C'est le souhait que tous les bons François doiuent faire pour luy, & les moyens dont ils se deuroient seruir , pour obtenir des benedictions infinies. A quoy ne sommes nous pas obligez pour vn Souuerain , que le Ciel a doué d'une si extraordinaire vertu, & pour vn Estat qu'il a tousiours chery , & si necessaire à sa gloire. Ce Prince a des qualitez si vtilles au salut de cette Monarchie, que nostre zele seroit digne de blâme, s'il s'arrestoit au seul repos où le sort nous a mis, & s'il ne rédoit à des faueurs plus excellentes & plus glorieuses pour son bien, aussi bien que pour le nostre. Ce Souuerain Eternel nous a tousiours témoigné qu'il auoit plus d'amour pour nos Roys que pour tous les Princes de la terre. La France luy a esté continuellement en plus grande consideration que le reste des autres Empires. C'est ce qui nous doit obliger à croire fermement, que ce Diuin Protecteur des Peuples & des Estats , ne manquera pas de sa part à nous assister de tout ce qu'il nous fera besoin, pour nous acheminer à des desseins si pieux & si considerables que les nostres ; pourueu que de nostre costé nous ne manquions pas de contribuer en tout ce qui nous sera possible à les recevoir dignement , afin qu'ils ne nous soient pas enuoyez sans efficace.

Nous commençons desia heureusement, apres tant de

troubles, que l'enfer nous auoit fait naistre, à nous ressentir des graces que Iesus-Christ a tousiours promises à tous ceux qui viuront sous ses Loix, & qui obserueront le contenu de ses Ordonnances. La Paix nous a esté donnée par ce digne Libérateur, lors qu'on n'en pouuoit pas comprendre les moyens, qu'on desespéroit de son salut, & qu'on n'attendoit plus qu'un deluge vniuersel, & de feux & de flammes. Le pere armoit contre le fils, le Maistre contre le valet, le vassal contre son Seigneur, & le Sujet contre son Prince. La rage & la terreur couuroit toute la surface de la terre: & tout ce que les Furies peuuent susciter de plus abominable dans l'esprit des hommes, s'exerçoit sur les objets les plus précieux, & sur les personnes les plus sacrées. Mais le Roy, la Reyne, les Princes, le Conseil, & Nosseigneurs du Parlement, inspirez d'une amour toute Diuine, ont trouué l'Art d'imiter sa Diuine Bonté, & de faire des miracles en faueur de cette Monarchie. Voyez donc si nous ne sommes pas bien obligez de prier Dieu pour eux, & de remercier eternellement des personnes, de qui nous auons receu des graces si extraordinaires, que celles qu'ils nous ont faites, en nous donnant la Paix que nous auons tant désirée.

F I N.

